



Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net

Tel. 344 1554055



Ann A **13.09.2026 - 20.09.2026 - 24. domënia ia por l'ann** n. 42

Se pordené un al ater

📖 Sir 27, 30 – 28, 7 | Rom 14, 7–9 | Mt 18, 21–35

Dal Vangele do San Mt 18, 21–35:

Te chël tēmp ²¹ti é Pire jü pormez a Gejù y l'à damanè: Signur, tan gonot mēssi pa ti pordené a mi fre, sc'al fej picé cuntra mè? Set iadi? ²²Gejù ti à dit: Nia set iadi, mo setantesset iadi. ²³Cun le rēgn dl cil éra sciöche cun n re che orô fà cunt cun sü sorvidus. ²⁴Canch'al à metü man da fà cunt, ti n'àn condüt un che ti ê diescmile talēnc de debit. ²⁵Deach'al ne sciafiâ nia da rete i scioldi, à le patrun comanè de le vëne cun fomena y mituns y cun döt ci ch'al â, por le fà despaié jö insciö le debit. ²⁶Dailò s'à le sorvidù sciuré söi jenëdli y periâ: Ais paziënza cun mè! I te reti döt. ²⁷Le patrun à albü compasciun cun le sorvidù, l'à lascè jì y ti à lascè do le debit. ²⁸Canche le sorvidù ê jü fora, àl incuntè n'ater sorvidù de so patrun che ti ê cënt denars de debit. Al l'à pochenè, l'à pié tl col y scraiâ: Paia ci che t'es de debit! ²⁹Dailò s'à chël petè jö dan da d'ël y periâ: Ais paziënza cun mè! I te retarà döt. ³⁰Mo chël n'orô nen savëi nia, s'un é jü y l'à lascè sciuré te porjun, cina ch'al ne n'â albü paié. ³¹Canche i atri sorvidus â odü chësc, s'ài lascè sö; ai é jüs da so patrun y ti à cuntè döt ci che ê sozedü. ³²Dailò l'à le patrun fat cherdè adalerch y ti à dit: Tö sorvidù desgrazié! To debit intier t'ài lascè do, deache te m'as tan perié. ³³Ne n'este nia inçe tö messü ester misericordius cun to compagn, sciöche iö à albü misericordia cun tè? ³⁴Y te so sēnn l'à le patrun surandè ai castigadus, cina ch'al ne n'â albü döt paié. ³⁵Insciö tratarà inçe mi Pere tl cil vignun de os che ne ti pordona nia de döt le cör a so fre.



ATLAMAZIUN

N comandamēt nü ves dái: Sciöche iö ves á orü bun, ensciö desses ince os s'orëi bun un al ater. Alleluia.

📖 *Letöres dla 25. domënia ia por l'ann:*
Is 55, 6–9 | Fil 1, 20ad–24.27a | Mt 20, 1–16a

Edema liturgica dai 13.09. ai 20.09.2026

2026	Ora	Mëssa
24. domënia ia por l'ann 13.09.2026 <i>Jan Crisostomus, Notburga, Tobia</i>	9:30 10:00	Corona S.Mëssa por la comunité <i>Don Marco</i> por familia de Herbert Rubatscher + Tio, Maria y Regina Clara
LÖNESC - 14.09.2026 <i>festa dl'Alzada dla Crusc</i>	<i>Por la festa dl'Esaltaziun dla Crusc en lönesc, ai 14 de setëmbër, pëia ia dales 7.30 la prozesciun da San Linert sö La Crusc; dales 9.30 él mëssa sö La Crusc, dales 10.00 ales 12.00 ores d'adoraziun por vocaziuns y dales 12.00 benedisciun y conclujiun. Dötes les ploanies é bel inviades da gni a tó pert.</i>	
MERTESC - 15.09.2026 <i>memoria dai set dolurs de Maria, Ludmilla, Melitta</i>	7:30	S.Mëssa di scolari en onur di Angeli Custodi ++ Marianna y Jule Sottrovisch
MERCUI - 16.09.2026 <i>Cornel y Cyprian, Julia, Edith</i>		<i>7.30 – S.Mëssa a Lungiarü</i>
JÖBIA - 17.09.2026 <i>Hildegard da Bingen, Robert Bellarmin</i>		
VËNDRES - 18.09.2026 <i>Lambert, Richard</i>		<i>7.30 - S.Mëssa a Al Plan</i>
SABEDA - 19.09.2026 <i>Gennaro, Igor</i>		
25. domënia ia por l'ann - 20.09.2026 <i>Andreas Kim Taegon, Paul Chong Hasang y compagns, Stachio</i>	9:30 10:00	Corona S.Mëssa por la comunité <i>Siur Degan</i> aniv. + Katharina Flenger aniv. + Angela Prousch Schanung aniv. + Linda y Pire Sottrovisch ++ Paul, Clara y Edith Prousch



Informaziuns y terminns

N GRAN DILAN A DON MARCO VEGHINI

Cun le pröm de setëmber á don Marco ciafé dala diozeja na inciaria nöia a Balsan, plü avisa tles ploanies Santo Rosario y San Paolo. I ti dijun dilan por le bun sorvisc che al á fat por plü de 2 agn alalungia te nostes 6 ploanies dla bassa valada. Dilan por les beles mësses y funziuns che al á zelebré cun devoziun, dignité y fede personala. Dilan por i bí pinsiers soc portá dant tratan les pordiches, dilan por la conferta cun ël, por süa presënza y süa bela manira. Che Chël Bel Dî ti al paies y di dais inant benedisciun y tröpa ligrëza por süa inciaria nöia. Don Marco, un grazie di cuore da parte di noi tutti e tutte.

Siur degan Klaus Sottsas y les comunités dles ploanies da Lungiarü, Antermëia, San Martin, Rina, La Pli y Al Plan

KMB – L’uniun ëi dl decanat Val Badia inviëia düc i ëi y jogn da to pert ala **prozesciun** cun linternes en vëndres ai 25 de setëmber 2026 dales 19.30 **dala dlijia de Badia sö Oies**. Recordesse da ves to para na linterna o na ciandëra.

Ora de oraziun tl apartamënt de siur Heinrich Videsott a La Val le mercui, 16 de setëmber dales 20.00.

Santa Mëssa en recort y ringraziamënt a Siur Heinrich Videsott la dumënia ai 20 de setëmber dales 14.30 tla dlijia da La Val zelebrada da Siur Klaus Costabiei cun l’acumpagnamënt musical dl cor de dlijia da La Ila.

Weissenstein: La **Uniun de San Vinzenz** inviëia düc i interessá, jogn y manco jogn, al pelegrinaje a Weissenstein, **en jöbia ai 24 de setëmber**. An pëia ia ales 8:15 da plaza dal Cone/Al Plan demez (a Longega les 8:25). Le grup vëgn acompagné da siur degan Klaus Sottsas, co dijará spo ince Mëssa laia. Por la marëna fistidiëia vignönn enstëss tla ostaria söl post, por le bus él da paié 25€ a ce. An roará zoruch a Al Plan ncër les 18:00. Al é da s’anunzié anter i 22 de setëmber pro Angela al 338 2430045.

Ester geniturs – löm y ambria; insciö sciöche i sun, vára bun y canche i me stënti, me chiri aiüt. Chësc è le slogan dl sorvisc de **Sostëgn bunorí por families**. Al é n sorvisc por düc i geniturs che vëgn docá, geniturs susc y families cun mituns danter 0 y 3 agn, che éte situaziuns de desfida. Nüsc esperc dl ciamp sanitar y sozial dá consëis aladô dles ghiranzes y ciafa deboriada soluziuns adeguades. Le sorvisc é debann, confidenzial y volotar. Por plü informaziuns podëise se lascé aldi a chësc contat: Tel.: 333 6203945 - Email: fruehe.hilfen@bzgpust.it - Le sorvisc sará a disposiziun tl alzada a tera dl raiun sozio-sanitar Val Badia dales 8.30 ales 11.30 ai 14.09.26

COMUN - Racoïöda refodam da tosser tl magazin di stödafüc a Antermëia en dedolönesc, 22.09.2026 dales 10.00 ales 11.00.



Tla parabola incuntunse dōes posiziuns desfarēntes: chēra de Dî - rapresentada dal Re, che pordona tan tröp, deache Chël Bel Dî pordona dagnora, y chēra dles porsones. Tl comportamënt divin é la iustizia tresfora plēna de misericordia, deperpo che le comportamënt uman é limité ala iustizia. Gejú nes sforza da se daurí cun coraje ala forza dl pordonn, deache i savun che tla vita ne se lascia nia döt desgropé cun la iustizia.

Papst Franziskus



Kreuz und Tod, Grab und Trauer —
nicht zu trennen von Auferstehung
und Leben, von Freude und Hoffnung.

	15.09.2026	Heidi - Annalena
	20.09.2026	Magdalena – Gabriel – Maximilian - Raphael A.
	20.09.2026	Silvester Promberger
	Les mius aodanzas por le compliagn ti fajunse a Dejaco Maria (87). Döt le bun.	